



日本野史

和書門			
類	號	函	架
五	九	〇	二
〇	二	〇	〇
〇	〇	〇	〇

內閣文庫			
類	號	冊	架
和	書	〇	二
五	九	〇	〇
〇	二	〇	〇


內閣文庫			
番號	和	15190	
冊數	200(112)		
函號	139	3	








野史卷一百四十七



源忠彦 修



武臣列傳第五十五

淺井亮改

淺井亮改 武家譜 作助改 姓藤原氏 武家譜 廢城考

○兵家茶話引新井君美說云淺井氏者物部姓也大虞君嫌忌曰守屋大連子孫也自稱藤原氏居常謂守屋毀佛焚塔為其子孫吾甚懼再建石小寺及諸寺歸教佛法

近江人也高祖曰公綱武家譜廢城考作改氏嘉吉元年被罪

配流近江居下野邑在改生并重改而公綱遇赦還

京師進權大納言而薨武家譜公卿補任不載流年○重改或

公父歸京之後留居下野字稱新三郎後新右衛門

族稱淺井系國武家譜仕京極氏若狹守護代記○子忠

改或作綱忠改子賢改或作公是為亮改父亮改字新三

郎年甫十三仕京極高家高家臣上坂景重張威於

江北風靡者多永正五年春亮改隸景重屢樹戰功

廢城考亮改知人善用廣收群策以寡擊眾謀無遺算

淺井三代記景重殊寵遇景重死而泰舜代之待遇亮改

稍疎廢城考七年亮改與江北兵攻松原成久于磯山

小河孫七郎于佐和山與戰鳥居本三代記八年圓滿

院延曆寺僧相議勸構和正月各罷歸三代記泰

舜執家事耽洵荒暴疎斥宿臣亮改竊懷自立之志

與大橋秀元三代記竊議遂廢城考泰舜十三年八

月亮改率兵二百三十急襲上坂城獲之武家譜

九月拔今濱城廢城考京極高家聞之欲伐亮改募兵

江北諸豪多屬之亮改謂我自起兵而來雖得利國

人不服者懼京極氏矣乃毀今濱上坂二城更築小

谷城廢城考十四年二月高家平高峯嗣立率騎兵

來攻小谷城初亮政不出兵高峯將士謂亮政懼意
驕守懈實錄六月亮政縱火夜出斫敵營高峯軍潰
而去三代記八月亮政聚黨頌捷自改稱備前守庶
兄教改稱駿河守第政信稱大和守秀元稱安藝守
實錄高峯乞援放於六角定賴定賴令後藤某率兵八
千併來圍小谷城實錄九月朝倉宗滴援亮政率
兵至梁瀨尋亮政與高峯講和罷軍三代十月亮政
適越前謝援兵實錄而卦上平竭高峯執君臣之
禮高峯竊懷異謀於是搆京極郭于城中向實高峯
警街實錄初淺見俊孝獨愛之及亮政往越前俊孝

欲乘虛以襲小谷將士無應者弗果三代亮政伐平
江北國人多雌伏京極氏唯存其稱而已實錄十五
年四月六角定賴未攻小谷亮政佯示羸弱密深窺
敵陳而後急出襲縱火斫之獲首數百級不長驅而
罷實錄七月堀賴負降九月與磯野實吉戰負吉族為
負死之十月負吉遂降高宮賴勝久德尤近大夫等
相繼降於是江北悉為亮政之有三代十六年九月
定賴又來攻亮政大擊克之定賴僅免歸觀音寺城
實錄○三代
作大永元年
○淺井三代記去亮政困于地頭山計無所出將

自殺大橋秀元母於井口義氏使之代死義氏怡然就死亮政竟得脫故亮政厚撫其孤娶其女以娶子久政

天文八年五月高峯乞歸上平亮政若令還居實錄廢城

考亮政退老號休外十五年七月卒于小谷系圖年

五十二系圖法名宗護號德勝寺兵家茶話江列德勝寺牌銘

○或說天文十一年正月卒○淺井系圖云法名

救外寺英徹高月○按江濃記云淺井休外入道

橋高政因朝倉教景薦奉叛京極氏滅之賜其采

地國人未服伊勢國司及長野若狹守関刑部大

輔土岐奇藤等援之稍平治北江五郡今按高政恐亮政誤矣姑附考

子高政字新三郎蚤死次久政次延政称宮内少輔

次雄山若狹守護代為僧記作知山

久政初字新九郎改称下野守天文十五年襲立不

恤軍事荒于政獵拒諫信於疎斥奪舊兵勢不振迄

弘治二年久政益懶惰士民離畔嗣子幼穉皆懷愛

懼實錄久政戾法多大橋秀元因事規諫無所回避初

亮政以故舊遇秀元益相愛故臨死以久政託之是

以秀元切諫遂見疎又聽於言欲自殺之秀元與其

子善二郎赴小谷遺書長改指畫軍改而就死三代
頃間與江南人接戰每不利江北諸豪亦各據城皆
無敢應命者兵威益盛錄實或時久改與六角義賢戰
敗歸於舊熟將佐曰卿等奄矣赤尾清綱對曰行
兵猶放鷹也弟在軍將之指揮耳臣等雖老筋力未
衰先君若在不復如此走奄矣詞直氣壯久改無如
之何三代永祿三年三月久改放鷹於境域部下將
士擁長改入小谷遣人謂久改曰君無將帥之量境
界日削是故眾議決立長改為主君其退走烏久改
雖憤怒莫部下共謀者不能相拒而向赴竹生嶋十月

夫人井口氏如竹生嶋見久改勸和解諭長改遂入
久改于小谷續構別邸寘烏至天正元年八月羽柴
秀吉次京極圓嶽斷小谷通路二十八日久改自殺
年五十福壽菴鶴松大夫殉烏信長實法名丘嶽
良峻號甲堅院茶坊德勝子長改改元稱玄蕃頭改
春祢石見守改元改春皆自殺系
長改小字猿夜叉系改新九郎系武永祿二年六
月六角義賢梅久改柔懦屢侵江南地長改年十五
元服祢備前守勸久改出兵擊義賢于高宮欲復侵
地久改不聽長改有將帥器度部下皆謂真亮改孫

也高門戶必有斯人三代記三年正月長政修聯歌
僧淨阿信寺淨信寺發句曰知可伎惠波加計九遍那斐
久耶奈幾可南長政廢曰安瑤比能登哥仁宇都苗
萬九巨知三月發軍侵畧江南三代記父久改勇武不
振屬六角定賴娶其老平井加賀守女妻長政迨義
賢繼立偏如部下然長政年已十六室老赤尾下野
百川遠藤安養寺等昏議是月使久政退老送歸長
政室氏遂與六角氏絕義賢大怒以蒲生堅秀進藤
山城守為先鋒兵總二萬五千餘出軍于野良田長
政使百川內藏助磯野秀昌下野若狹守兵五千餘

為先鋒自將六千餘騎四年八月戰于野良田內藏
死之長政忿下令進軍使安養寺經世今村掃部助
勵眾力戰堅秀隊下勢人千草某死之南兵敗亂長
政督逞兵競擊義賢中軍義賢敗走長政部下死傷
七百余人獲首九百二十級江北諸城寨皆來服長
政率越援軍屢侵畧義賢出軍於江北再皆不利而
去江濃記義賢父子敗入箕作城長政大挫江南兵屠
肥田城而入佐和山令士卒姑息二日徇愛智川近
邑而歸威武振江南及近國廢城考七年三月按三代
作六年三月伐美濃先是濃人日根野弘就兄弟使其
濃戰岳井赤坂云

人來請曰龍興無將若將幽之願迎大旗以伐尾張
長政與宿臣議伴使求盟弘就乃載盟書而送之於
是長政令醒升小足守佐和山寘又久改及井口千
田千小谷自將兵六千餘以磯野秀昌為前鋒而次
垂井赤坂縱火掠畧龍興令牧村野村等為先鋒戰
于御會寺歷日不決龍興使人求成長政悅諾是月
六角義賢起兵一萬四千縱火遙圍佐和山城城兵
告急于小谷久改以兵寡故遣福壽菴乞救于義景
義景若而未發乃告長政長政令赤尾清綱等裨將
四人騎兵五百壓美濃而徒軍牧村野村兵僅出追

蹤發銃三田村國定大野木秀俊禦戰兵氣益沮清
綱傳令與野村直元反戰終涉御會寺川而還秀昌
兵二千餘入佐和山先隊揭旗于摺針嶺義賢聞之
驚曰長政何放棄濃而還被夾擊則無利矣乃潰走
秀昌追蹙獲十二三騎而罷江濃及織田信長徇江
南也長政不抗亦不服見其威武日熾欲求成信長
亦徇尾濃欲建旗於帝畿竊誘結婚長政以為嚮導
永祿十一年八月遂行成以其妹妻長政廢城考織
信長奉足利義昭於越前使長政自路次同往迎之
織田信長次佐和山遣使招諭六角義賢不從信長

怒縱火於愛智川將攻觀音寺箕作二城使長改分
兵備其中間長改辭焉信長乃割部兵壓義賢遂拔
二城考廢城十二年正月長改率兵到京師陣清水寺
太閤二月信長命諸將經營幕府長改夫卒當役或
戲焉夫卒怒爭鬪羽柴秀吉制止之長改處歸小
谷信長惠之三代太閤記長改竊懷異圖與義賢和睦又
與義景通謀密為之備使朝倉景鏡成川安長頭城
堀二郎守鑊羽黑田長兵衛守本郷大野木秀俊三
田村國定野村直元守橫山城太閤元龜元年四月
信長帥師征伐越前久改聞之謂長改暨宿臣曰往

年我與信長約莫擊越前信長許諾故使長改結婚
然渠寢前約動兵於越我竊探彼意討義景之後必
來寇我矣我家嘗與越戮力今臨危不可不援長改
曰信長之斯舉非敢私念之所致也以越不順武余
矣久改不悅長改遂從父之言應義景廢城考明自
據小谷使橫山高長守橫山阿閉貞秀守山本山成
野秀昌守長濱城與義景通謀自鹽津刀祢取陸路
自長濱米原湖上以欲斷其後路明信長聞而驚
旦怒旋師將攻小谷佐久間信盛諫止廢城還京師
長改遣使於越前曰遮擊信長於路一舉而殄焉義

景不從長改嘆曰我悔從父之言黨義景而絕信長
家命尽于此矣嗚呼實錄六月長改築長比川安二寨
以備守禦信長記聞信長出兵乞救於義景實錄師戰錄三
信長帥師入淺井郡陷諸寨二十一日進攻小谷轉
圍橫山城分兵於飛雀山縱火于卷口遠藤直繼請
擊部之長改不聽織田家譜橫山高長及大野木秀
俊三田村國定野村直元定元等拒戰告急於小谷
曰救如遲緩則舉城降敵矣會義景令族景健率兵
萬五千赴援長改亦將兵八千併屯于大寄山實錄
紀二千二日信長轉兵長改兵追擊信長自殿長改

兵據險闖之信長周旋而退長改兵猶進見柴田勝
家整旅將逐戰乃罷歸織田家譜二十六日信長與東
照宮會于龍鼻燧明日長改議曰今距龍鼻五十町
直馳則兵疲不可用宵彼野村三田黎明襲彼不意
可以逞矣信長記眾同之持淺井半介先是久富美
濃稻葉長通許織信長機計進次曰臣頃年遊濃能
識信長計畧神智妙算不可得量我計策恐不及矣
請更議焉直繼掉頭曰吁緩計莫用向已不如決雌
雄於一瞬間我往刺信長何不克之有議乃決信長記
夜潛勒眾信長望燎察詰且有戰分作十三段為之

備信長記 二十八日質明越援軍陣于三田長政軍

于野村礖野秀昌高宮賴勝赤尾清綱山崎源太左

衛門太宇大和守蓮大寺等步騎五千為先隊尋

東照宮西轉夾姊川而陣越軍百騎先濟本多忠勝

擊却之越人又濟前軍劔申驅承之越人益進長政

兵見越人競亦濟秀昌先登與信長前軍坂井政尚

戰政尚敗池田輝政羽柴秀吉迭進皆北此長政兵衆

撥直衝信長中軍景健亦已逼麾下 東照宮愈勵

士力戰越人遂敗績前波小林等多死棄勝追北斬

俘甚多追抵虎御前山秀昌進兵勢沮稻葉長通橫

擊之 宮亦轉旂沿姊川而進與信長兵萃於是長

政兵士戰疲旦以越人早潰令村狩野才削之徒皆

殪軍遂敗績三師戰畧四戰長政家士遠藤直繼記款

狙擊信長而進竹中重矩恠之遂斬殺烏織田直繼

手眼羽捷膽略素定初饗信長於成菩投院夜馳還

小谷說長政使殺曰臣力足以辨之君公即引兵來

擊進襲政阜則取濃尾在掌中矣長政弗許於是終

了其前局甘雨亭叢書九月信長征伐攝津長政遣

使乞援于越欲擊信長義景辭景鏡強之先使景鏡

將兵來援長政併其兵陣于比叡辻攻宇佐山寨森

可成織田信治等拒戰死之進軍于大津醍醐山科
與延曆寺僧合謀斷信長歸路義景大率繼至六角
承禎亦率兵應之軍于野洲信長聞之罷征攝軍歷
石山來次于志賀大將軍義昭軍于將軍塚長政義
景保于叡山信長分軍為長圍信長記義昭親抵園
城寺居間三國 正親町天皇下詔半之逸十一月
越部將北莊景行及阿閉貞秀攻坂井政尚于堅田
獲之織田家譜十二月 天快如師信長與長政義景受
載書各罷歸織田實錄長政竊與本願寺僧光佐通謀
謀滅織田氏實錄太元龜二年佐和山大尾朝妻等

諸寨叛降信長長政怒遣使詰秀吉五月長政深一
向僧徒誘土寇二萬餘群起令中嶋日向守淺井七
郎等為之監軍攻箕浦城大崗記堀二郎守禦秀吉
聞警發橫山率兵救擊七郎死之軍敗績信長實錄長
政守備嚴戒令野村直元守國友寨分兵置戌子月
瀨山本山賤嶽居黑等寨太崗記宮部繼潤來攻國友
寨廢城三年三月信長帥師抵淺井郡長政出擊其
前軍佐久間信盛信盛敗走續實錄四月日根野弘就謂
長政曰信長用兵如神早不戮玉泉坊廢城考作兵
禍必到矣先是長政令玉泉坊守居黑若玉泉坊潛

降信長是以長改急發兵攻之玉泉坊拒戰力屈棄
寨而走實錄廢七月長改乞援于義景義景率師來
援十一月長改及義景次虎御前山信長使秀吉當
之錄天正元年八月信長大舉伐我前滅朝倉義景
而旋師于近江陷所在城若分兵拔虎御前山而使
秀吉薄小谷二十七日秀吉上京極圓嶽斷長改父
子之通路明日秀吉攻久改久改自殺二十九日信
長進旂于圓嶽而圍小谷使不破道負來謂曰與卿
矛楯累年未決偏依武事也然姻戚之親更何遺清
出城固盟約宜保家國長改天死弗忘道負強再三

長改附夫人織田氏及二人女子送信長信長再使
道負來清面竭勸行成長改固執不聽道負解諭不
止親臣或請行成保社掇長改對曰久改無異則我
亦許請信長陽報久改未死長改信之九月朔僅與
從者出城將到信長營處會久改從者來報其死長
改悔且怒入赤尾清綱邸而自殺年二十九豐鑑實
家譜廢法名大英宗清號養源院吳京茶坊德勝寺
城考
勝寺寬永九年九月贈大納言正二位益號雜記
○君臣言行錄花押譜並作贈中納言從三位猶
當考

有二男三女長子字萬福九城陷之日本村貞之扶
而走無幾就擒被斬次字乙若九小川清長中島直
武抱道長湏後為僧女子皆從母氏于柴田勝家許
勝家亡而秀吉養育之長女名茶々後稱淀君為秀
吉側室元和元年五月自裁于大坂城實為太虞院
法名英巖系岡鎌倉松岡
東慶寺過去帳次適參議京極高次後為
尼號常高院李乃崇源夫人也初嫁佐治一成秀吉
取養之嫁參議豐臣秀勝秀勝薨秀吉更養令配
台德公而生大猷公及峯巖公子忠長以寬永三
年九月薨事載德川外戚傳

野史卷一百四十八

源忠彦 修

武臣列傳第五十六

浦上則宗

小寺職治

浦上則宗姓紀氏播磨人也中納言長谷雄子參議
 淑光十五世細見昌勝二男美作守武陰德大平記
享以來却番族祢浦上譜武家仕赤松氏應仁元年八
帳作美濃守月西陣大震東陳馳人募兵於攝津播磨秋庭元明

與赤松氏謀議則宗奮激率兵三千入京師將加知
川氏大宮陣自東寺到五條知川氏兵未知而不迎
之西軍出而拒禦戰于五條東不利退六條磧歷汁
谷山科布陣于岩倉山日已沒伐木舉火明日大內
氏兵取一路來攻投巨石拒之山名兵誣粟田口日
岡而上復擲却磐石畠山兵來又擊却之會京師賊
起縱火于南禪寺延燒粟田口岡崎悉灰燼則宗乃
發閭歷神樂岡而入京赤松改則大悅僵尸如復獲
云十月畠山改長擊六角一色兵于相國寺於址義
直高賴及畠山義就兵皆潰會日沒而交鋒則宗成

大門腋在楯陰秋庭元明過之則宗謂曰秋庭氏請
來援元明意謂我先猪取野之戰為大內氏所破為
敵見茄因應曰請莫叫敵皆以我為怯却使彼得機
矣應仁文明中赤松改則補侍所則宗為京師所司
代永享以來御番明應五年改則卒子改則嗣立年
尚幼則宗代執軍國事中國太子子宗助嗣而卒子村
宗嗣稱掃部助世隸赤松氏赤松氏衰得寵於幕府
食于播作迨村宗家勢益強永正十五年七月奪赤
松改則妾字胡蝶者掘三石城而叛村宗妹塔衣笠
村氏以松山東條氏秀以向岡大藏官應之九月宗

粟範高秋津秀國等攻松山別所則定改大磯窪而
陷之十一月改村發置鹽來攻三石村宗遂戰破之
而後改村溝和村宗幽之室津大永二年九月遣刺
客弑改村于室津赤松記中奪其國遂割播作而有
之宿將宇喜多能家佐之有功魁山名改豐入播磨
村宗與之行成中國太平記大永三年赤松氏故舊國人
蠱起播列亂山名二郎葉虛自但入播抵永良東浦
上兵建議云不如先擊他國寇乃與國人行成明日
因幡守村國變約拒戰能家據險相持半日其族四
郎等死之能家欲衝敵軍決死生會敵軍終潰獲首

數千餘級以送村宗赤松再興記享祿二年正月柳本賢
治陷伊丹城流史畧三年五月播人別所重直與
依藤某爭封疆構兵重直乞援於賢治賢治將兵與
重直合兵圍之六月村宗遣刺客殺賢治細川高國
經歷勢裁來求援於村宗村宗許諾續史畧引八月
村宗相高國起兵先鋒次攝列神咒寺晴元所部高
島甚九郎據伊丹城池田筑後守據池田城葉師寺
國盛據富松城九月村宗攻富松城死者二十四人
國盛棄城而走高國進據富松城晴元使國盛及山
中遠江守泉人保尼崎大物城及久久知坂部等地

十月又與伊丹兵戰于富松南破之高國兵猶屯富
松十一月攻大物城國盛終叛晴元出降山中遠江
守等五十餘人死之晴元愈次年三月救國盛質子
于及浦北秋伽堂兩家記村宗乘變登食邊邑取小
寺有田等城陰德太平四年二月攻高畠甚九郎于
伊丹城而不拔遣人乞和甚九郎致城而去三月進
攻池田城拔之尋高國將攻界浦播人俱涉淀川先
鋒入勝間今宮晴元兵邀擊之村宗兵及播人谷福
嶋等死者八十四人高國失利諸軍次天王寺難波
木津高國次中島内浦并邑村宗次野田福島步騎

總二萬餘是月細川之持再興記作政之率兵八千
相足利義冬自阿入攝五月之持攻天王寺三好氏
兵力戰赤松晴政一作政村今起兵忘之初晴政父
為村宗所害至是欲復父讐出屯神宮寺聲言救高
國於是播人多赴屬之六月晴元與高國戰于天王
寺今宮木津陣悉潰細川元常伊丹國扶河原林日
向守藥師寺國盛波波伯部兵庫助等力戰或死或
傷敗兵陷中嶋野里川死傷者多村宗與厚東山城
守波波伯部左衛門二郎高田五郎嶋村貴則等三
百餘人死之入水斃者五千餘人前後死者總七千

餘人河水為之逆流去氏族右馬助六郎左衛門等
皆遁走即兩家記再興記○按赤松記作六貴則等靈
化蟹今稱之嶋村蟹去中國太平記子宗景稱帶刀左衛
門又備前守為人庸闇宿將宇喜多能家夾翼諫爭
宗景嫌忌終殺之中國興盛衰記能家子直家廢於宗
景直家顯權得志乃設詐術多殪封內諸豪皆併其
室富執公室永祿四年直家通赤松義祐以岡山畔
圍宗景於天神山宗景不能禦戰奔瓊岐直家自立
即治岡山宗景後入居兒島永祿十二年十月竟遇
弒中國太平記有子幼直家又殺之而奪國浦上氏亡

萩原
隨筆

○殘太平記云浦上宗景及草川景繼竊通秀吉
作列月田山守護人摘崎元兼置戍於肉幡捕解
魔法師一人索之懷得信長謀書及宗景口繼書
以達鞆浦小早川隆景幽景繼弟重繼及左馬助
等於吉田會景繼之族密殺景繼乞赦隆景乃賜
其後於重繼宗景聞敗納糧於天神山募兵士數
千餘守之先是宗景因信長虎威逐赤松下野守
奪其邑天正七年八月隆景率兵八千入作列圍
天神山城元春亦率兵八千從米子來合圍摘崎

元兼射箭書於城中誘明石飛驒守及三郎右衛門宗景見之攻飛驒父子於二郭飛驒以報隆景元春薄壁攻急宗景據牙城飛驒父子先登是月二十日城終陷宗景棄壁去京師云年月乖異姑附以備考

小寺職治播磨人也姓源氏其先與黑田石原同族中葉曰賴秀仕赤松圓心圓心城姫路使二子貞範保白旗城而拒備貞範使賴秀成姫路城賴秀子景治相繼守姫路延元二年春恩地左近太郎保八播山赤松小寺松田頼宮率兵八千攻戰不利景治戰

死是為職治祖父父景重稱豊後守職治繼父守姫路城稱伊賀守嘉吉元年九月赤松滿祐謀逆職治屬之戰于師西郡城山敗而自殺姫路城主子豊職稱伊勢守文明元年赤松政則城置鹽山移居烏使豊職守姫路子則職稱加賀守繼居姫路

○中國太平記云永正十六年十月攻岩屋城小寺父子三人戰死○姫路城主歷代記云豊職生改職改職生則職則職以孝隆為養子○或云加賀守政隆享祿三年七月戰死其子則職天正四年十月年八十二而歿未詳其系

則職子改職字藤兵衛居五着城當是時患藝備強
懼見交夷送款于安土以自固改職使黑田孝高為
行人因羽柴秀吉秀吉善視之孝高父職隆入道宗
圓佐小寺氏有功改職令宗圓居姫路天正五年秀
吉受封于播磨抵五着赤松氏遷邑于阿波改職中
悔出奔備後幽居于鞆太閤記逸史○城主歷代
作加賀守則職遷鞆云

野史卷一百四十八終

